


**CONSELLERÍA DE AGRICULTURA, GANDERÍA E MONTES**
**Xurado Provincial de Montes Veciñais en Man Común**

Edificio Administrativo de Servicios Múltiples - Monelos - A CORUÑA - Tfños. 18 59 02 - 18 59 03


 Sr. Alcalde Presidente do  
 Concello  
 A Picota, s/n  
 15256-MAZARICOS

Aos efectos oportunos comunicolle a resolución do expediente de calificación nº 338 do monte "De Reboredo", do lugar de Reboredo, parroquia de Arcos, concello de Mazaricos, segundo o acordo deste Xurado na súa reunión de data 12 de decembro de 1997:

"Reunido na data 12 de decembro de 1997 o Xurado Provincial de Montes Veciñais en Man Común da Coruña, baixo a Presidencia do Ilmo. Sr. Delegado da Consellería de Agricultura, Gandería e Montes, D. Rogelio Aramburu Núñez, coa asistencia do Vicepresidente Ilmo. Sr. D. Angel Barrallo Sánchez, Maxistrado da Audiencia Provincial da Coruña, os Vocais, D. Andrés López-Suevos Fernández, Xefe do Servicio de Montes e I.F., D. Alfonso Vázquez-Castro Garma, Letrado do Gabinete Xurídico Territorial da Xunta, D. Juan Ramón Beneyto Bellas, representante do Colexio de Avogados da Coruña, D. José Manuel Caramés Franco, representante das Comunidades Veciñais de Montes en Man Común, e do Secretario D. Manuel Puente Araújo, Letrado da citada Delegación, para estudar e resolve-lo

Nº Expdte: 338  
 Monte: De Reboredo  
 Lugar: Reboredo  
 Parroquia: Arcos  
 Concello: Mazaricos

**ANTECEDENTES DE FEITO:**

1º. Diversos veciños de Reboredo, parroquia de Arcos, concello de Mazaricos, solicitaron con data 24/04/1996 deste Xurado, a declaración como veciñal do expresado lugar, do monte arriba citado e que ten as seguintes características:

Superficie: 15,50 Ha.  
 Lindeiros:

Procede do monte "Pedregal e Ruña", nº 103-H do C.U.P.  
NORTE: Desde o piquete F-3 situado na esquina do muro do enclavado F, coñecido como "Prado de Amadeo", segue o muro ata o piquete F-2, e deste ata un punto coñecido como "Petón de Fonte Carballa", na liña entre os piquetes 235 e 236 do deslindamento, estremando co enclavado F e máis monte "Pedregal e Ruña". LESTE: Desde o punto coñecido como "Petón de Fonte Carballa" ata o piquete nº 236, e deste seguindo a orde de piquetes ata o 241, estremando con propiedades particulares de veciños de Lugariño e Reboredo. SUR: Remata en punta. OESTE: Desde o piquete nº 241 seguindo a orde de piquetes ata o nº F-3 situado no muro do enclavado F, estremando co termo do concello de Carnota.

2º. A vista de tal solicitude, o Xurado, na súa reunión de 01/07/1996, acordou inicia-lo oportuno expediente, nomeándose como Instructor do mesmo a D. Juan Ramón Beneyto Bellas, quen aceptou expresamente dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Muros, oíndose a tódalas persoas, Organismos e Corporacións interesadas, expedíndose mandamentos a tal fin dirixidos ao Sr. Alcalde Presidente do Concello de Mazaricos, ao Xefe do Servicio de Montes e I.F. e publicándose edictos no D.O.G. (nº 78 de 24/04/1997) e taboleiro de anuncios do Concello.

3º. Os veciños de Reboredo fundamentan a súa petición perante o Xurado Provincial de Montes Veciñais en Man Común na orixe foral de dito monte, así como no seu aproveitamento desde tempo inmemorial de forma consuetudinaria e en réxime de comunidade, sin asignación de cotas, segundo os usos e costumes. Presentan copia de documentos antigos nos que xa hai referencias á existencia de tal monte veciñal.

Esta petición é informada favorablemente polo acordo do Pleno do Concello de Mazaricos de data 23/02/1996.

4º. Na tramitación das presentes actuacións cumpríronse as formalidades legais e regulamentarias, esixidas principalmente pola Lei 13/89, de 10 de outubro, de Montes Veciñais en Man Común, e o seu Regulamento de aplicación aprobado polo Decreto 260/92, de 4 de setembro, ambos da Comunidade Autónoma de Galicia, Lei de Procedemento Administrativo e demais disposicións aplicables no caso.

FUNDAMENTOS DE DEREITO:

1º. O Xurado Provincial de Montes Veciñais en Man Común da Coruña ten xurisdicción e competencia para coñecer do presente expediente en virtude do disposto nos artgs. 9 e 10 da Lei da Comunidade Autónoma de Galicia 13/89 de 10 de outubro de Montes Veciñais en Man Común.

2º. En conformidade co contido do art. 11 da citada Lei e 19 do Regulamento, aprobado polo Decreto 260/92, de 4 de setembro, os veciños de Reboredo, parroquia de Arcos, concello de Mazaricos, son parte lexítima para solicita-la iniciación do presente expediente de calificación.

3º. Para a súa calificación como veciñal en man común, o monte debe reunir as seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sin asignación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con "casa aberta" dentro da área xeográfica sobre a que se asenta o grupo social que tradicionalmente aproveitou o monte (artgs. 1, 2 e 3 da Lei 13/89 e 1, 2 e 3 do Regulamento de 4 de setembro de 1992).

4º. Das actuacións obrantes no expediente, e en especial da comprobación do que se expresa no punto anterior, se deduce que no presente caso nos encontramos cun monte pertencente á Comunidade Veciñal do lugar de Reboredo, parroquia de Arcos, no que se cumpren os aludidos requisitos.

Por iso, éste Xurado á vista dos antecedentes e fundamentos de Dereito expostos, nesta data,

ACORDA calificar como Monte Veciñal en Man Común da Comunidade Veciñal do lugar de Reboredo, parroquia de Arcos, concello de Mazaricos, o denominado Monte "De Reboredo", cos lindeiros, superficie e características que figuran no primeiro antecedente. Asimesmo, acórdase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Agricultura, Gandería e Montes da Coruña.

Contra a presente Resolución poderase interpoñer recurso contencioso-administrativo no prazo DOUS MESES perante o Tribunal Superior de Xustiza de Galicia, contados a partir do momento de recepción da presente, segundo a ata agora vixente Lei de procedemento administrativo.


A Coruña, 12 de decembro de 1997

Vº e Pr.  
O PRESIDENTE DO XURADO,



Asdo. Rogelio Aramburu Nuñez

O SECRETARIO DO XURADO,




Asdo. Manuel Puentes Araujo



CABIDA TOTAL 640,22Has.  
 CABIDA ENCLAVADOS 7,16 Has.  
 SUPERFICIE EXPROP. 28,75 Has.  
 CABIDA PUBLICA 604,31 Has.

CABIDA PARCELA I 430,12Has.  
 CABIDA PARCELA II 79,84Has.  
 CABIDA PARCELA III 4,55 Has.  
 CABIDA PARCELA IV 25,63Has.  
 CABIDA PARCELA V 64,17 Has.  
 TOTAL 604,31 Has.

CABIDA ENCLAVADO A 0,50Has.  
 CABIDA ENCLAVADO B 2,07Has.  
 CABIDA ENCLAVADO C 1,25Has.  
 CABIDA ENCLAVADO E 2,17 Has.  
 CABIDA ENCLAVADO F 1,17 Has.  
 TOTAL 7,16 Has.



## DESLINDE TOTAL DEL MONTE "PEDREGAL Y RUÑA"

Nº 103-H DEL CATALOGO DE U.P.  
 PARROQUIA DE SANTIAGO DE ARCOS  
 AYUNTAMIENTO DE MAZARICOS  
 ESCALA 1:10.000

